

十月辛亥

朔日庚辰。晴。

邹蓉阁来。候子焕，为其夫人诊疾。访子明，候朱小山，并晤苏晴山。候家子卿九兄，并晤彭雪门。苏州人，子卿亲家。饭后返寓，闻缪稚循来答候。张子安来，钱芝门来访。同吾兄茗。又访孝拱不遇。袁伯襄来，衣谷来，慎甫来，燕山来。李壬叔要持螯未赴。写振远信。发交。

接子宪九月二十五信。

初二日辛巳。晴。

同吾兄访孝拱。到城外，偕徐雨之饮市楼。又访子卿九兄，又访汪龙溪。子焕来，衣谷来。赴念匏招饮，同座周贡甫、朱菴卿、衣谷、吾兄弟、孝拱、主人共七人，饮甚乐。孝拱歌西人诗曰：“慢得哩，慢言友相失。愿弃怨重好如不能，则愿仍未相识之无好无恶。”余歌《上邪》之诗答之。饮分夜而罢。子焕下榻吾家。

初三日壬午。阴，微雨。

孝拱来，李壬叔来访，燕山来，邹蓉阁来。访孝拱，访袁伯襄不值。孝拱招城外饮，并要观剧。临晚返，又至其家，出所撰书见示。衣谷亦在，夜饭后归。

初四日癸未。晴。

阿哥进营销假。饭后访苏晴山、袁桐君不遇。市中购物。衣谷来，同里刘岳孙、子江之侄。须荣轩须心庵侄来。子卿家兄来答候，慎甫来。访李壬叔，并晤曹柳桥。籀，杭州人。燕山来，戴行之来，衣谷再来。

初五日甲申。晴。

再访孝拱，出城访子焕，又访朱小山，留饭。饭后答候杨蕴亭。绍祖，湖州人，郭筠仙幕友，前闻名来候，故答之。到丽水台茗肆，偕燕